



P R E Z I D É N S I A  
KONSELLU  
MINISTRUS

VIII GOVERNU KONSTITUSIONÁL



Gabinete  
Porta-Voz

**Komunikadu Imprensa**  
**Sorumutuk Estraordináriu Konsellu Ministrus nian**  
**iha loron 29 fulan-dezembru tinan 2020**

Konsellu Ministrus hala'o sorumutuk iha Palásiu Governu, iha Dili, no aprova ona projeto Dekretu Governu nian, ne'ebé apresenta husi Primeiru-Ministru iha ezersísiu, José Maria dos Reis, kona-ba **alterasaun dahuluk ba Dekretu Governu nian n. 18/2020, loron 3 fulan-dezembru, kona-ba medida sira ba ezekusaun Deklarasaun Estadu Emerjénsia** ne'ebé efetua husi Dekretu Prezidente Repúblika nian n. 70/2020, loron 3 fulan-dezembru. Haree ba agravamentu situasaun saúde nian iha provínsia Timor Osidentál, iha Repúblika Indonézia, iha ne'ebé kazu pozitivu COVID-19 to'o ona 1700, haree ba desobre tipu foun SARS-CoV-2 nian, ne'ebé kontajioza maka'as liu fali duké virus orijinal ne'e no haree ba aumenta número kazu sira ne'ebé diagnóstiku iha territóriu nasional, presiza adota medida foun sira hodi evita surtu COVID-19 nian foun ruma mosu iha país ne'e. Ho alterasaun idane'e, sei define filafali regra sira kona-ba distansiamentu sosiál, tanba ne'e, ema hotu-hotu ne'ebé hela iha Timor-Leste tenke:

- Mantein distânsia, pelumenus metru ida, husi ema seluk, ne'ebé maka la hela hamutuk ho nia iha uma ida, bainhira la'o ain iha dalan pùbliku ka tama iha resintu, pùbliku ka privadu sira, ne'ebé ninja asesu loke ba pùbliku no destina ba utilizasaun koletiva;
- Labele halibur malu liu husi ema na'in sanulu, exetu sira ne'e pertense ba uma kain ida de'it;
- Labele organiza nein partisipa iha eventu ka selebrasaun sira ne'ebé halibur ema liu husi na'in sanulu, exetu sira pertense ba uma kain ida de'it;
- Utiliza máskara oin nian ne'ebé taka inus no ibun bainhira la'o iha dalan pùbliku ka tama ka hela iha resintu pùbliku ka privadu, ne'ebé ninja asesu loke ba pùbliku no destina ba utilizasaun koletiva no, bainhira uza kualkér transporte pùbliku pasajeiru nian;



Palácio do Governo,  
Avenida Presidente Nicolau Lobato,  
Dili, Timor-Leste



P R E Z I D É N S I A  
KONSELLU  
MINISTRUS  
VIII GOVERNU KONSTITUSIONÁL



Gabinete  
Porta-Voz

- Fase liman bainhira hakarak tama ka hela iha resintu públiku ka privadu sira, ne'ebé ninia asesu loke ba públiku no destina ba utilizasaun koletiva.

Hetan ona mós aprovisaun ba projetu Rezolusaun Governu nian, ne'ebé impoin **serka sanitária ida iha Rejiaun Administrativa Espesiál Oekusi Ambenu (RAEOA)**, haree ba kazu SARS-CoV-2 nian ne'ebé diagnóstika ona foin daudaun ne'e iha Rejiaun ne'e no atu kontrola saúde públika husi populasaun RAEOA nian no impede tranzmisaun lokál SARS-CoV-2 nian iha territóriu nasional. Ho projetu Rezolusaun Governu nian daudaun ne'e, postu fronteira nian sira iha RAEOA sei takā hotu no bandu dezlokasaun sira, liuhusi rai-maran no tasi, entre rejiaun ne'e ho munisípiu sira seluk, to'o tuku 23:59 loran 2 fulan-janeiru tinan 2021.

**REMATA**



Palácio do Governo,  
Avenida Presidente Nicolau Lobato,  
Dili, Timor-Leste